

黃杰將軍

黃將軍，湖南長沙人，生於民國前十年。黃埔軍官學校第一期畢業，先後入廬山軍官訓練團、陸大將官班、中央訓練團、及國防大學深造。約古攬今，有儒者風範。

將軍歷任營、團、旅、師、軍長、中央軍校教育處長、第六分校教育長、第十一集團軍總司令等職。參與東征、北伐、剿匪、抗日、戡亂諸戰役，效命疆場；或作育後進，均厥功甚偉，授頒青天白日等殊勳。

勝利後，奉調中央訓練團教育長，策劃復員轉業。至卅七年，改任長沙綏署副主任、兼第五編練司令官，組訓新軍。三十八年調湖南省政主席，兼第一兵團司令官及湖南綏靖總司令，配合華中作戰。大陸情勢逆轉，率部假道入越，歷時三年又半，猶能全師而回，將軍之忠貞，朝野有「海上蘇武」之美譽。四十二年，將軍出任台北衛戍司令，晉任陸軍二級上將。翌年任陸軍總司令，兼台灣防衛總司令，整軍教戰，新猷卓著，四十六年調任總統府參軍長。

四十七年八月，任台灣警備總司令，值金門炮戰，充分發揮安定後方，支援前線之任務，甚著勳績，四十九年晉任陸軍一級上將。將軍於民國五十一年主政台灣省府，五十八年任國防部長，六十一年奉調總統府戰略顧問。